



KENAN KRŠO UHAPSEN ZBOG TERORIZMA U SARAJEVU

Pao neumorni promoter IS-a



Kršo priveden u prostorije SIPA
FOTO NN

Dosije "Kršo"

- Policijske i bezbjednosne agencije došle su do saznanja da je kraći period boravio u Siriji.
- Kršo je na Baščaršiji izazvao incident kada se pojavio u majici sa obilježjima IS.
- Na Staroj brezi, u Sarajevu, uznemirio džematlije, kada je verbalno napao imama Muhameda Velića.
- Tada je sa dvojicom ljudi upao u džamiju noseći na sebi majicu sa obilježjima IS-a.

**IZVRŠENI
PRETRESI,
PRONAĐENI
DOKAZI**

džematlije reagovala na napad na imama, izašle iz džamije.

Neumorni pristalica IS-a ne posustaje pa je i juče, dok je bio okružen maskiranim i naoružanim policajcima SIPA, osim kratkih hlača i duge brade, na sebi imao i majicu koja, po svemu sudeći, promovise trenutno najozloglašenu terorističku organizaciju, odgovornu za stravične zločine.

Kristina Jozić, vršilac dužnosti portparola SIPA, navela je da je, postupajući po naredbi Suda BiH i Tužilaštva BiH, izvršen pretres stambenog objekta koji koristi osumnjičeni. Cilj je bio pronaći predmete koji mogu da posluže kao dokaz u daljem postupku. Dokazi su i pronađeni.

"Izvršenim pretresom pronađeno je i privremeno oduzeto vatreno oružje bez odgovarajuće dokumentacije i drugi predmeti", navela je Jozićeva.

**ORUŽJE
Tokom akcije
privremeno
oduzeto oružje bez
dokumentacije**

**Incidenti:
Koristeći
obilježja IS-a,
on je u više
navrata izazvao
incidente i
ugrožavao
bezbjednost
na području
Sarajeva**

Dragan SLADOJEVIĆ

SARAJEVO - Kenan Kršo (39) iz Sarajeva uhapšen je juče

ujutro u tom gradu zbog više aktivnosti koje se mogu dovesti u vezu sa terorizmom.

Priveden je u akciji Državne agencije za istrage i zaštitu (SIPA), a prethodno je utvrđeno da je ostvarivao kontakte sa vehabijama iz BiH, koji se kao pripadnici Islamske države (IS) i paravojnih formacija bore na ratištima u Siriji i Iraku, što je državljanima BiH zabranjeno zakonom.

Štaviše, policijske i bezbjednosne agencije došle su do saznanja da je Kršo kraći period i boravio na području Sirije.

Osim toga, on je, koristeći obilježja terorističke organizacije IS, u više navrata izazvao in-

cidente i ugrozio bezbjednost na području Sarajeva.

Na primjer, Kršo se prije dva mjeseca na Baščaršiji pojavio u majici sa obilježjima IS, nakon čega je legitimisan i sankcionisan.

Nešto ranije, odnosno krajem januara, za vrijeme džumanamaza u džamiji na Staroj brezi uznemirio je džematlije, kada je verbalno napao imama Muhameda Velića.

Tada je sa dvojicom ljudi upao u džamiju noseći na sebi majice sa obilježjima IS, te je tokom hutbe prekinuo Velića vičući: "Lažeš", s ciljem da izazove sukob sa džematlija i

imamom. No, trojica "kavgadžija" su, nakon što su

Borci iz BiH

● Izvještaj kosovskog Centra za studije i bezbjednost pokazao je da je Kosovo i Metohija prva na listi po broju boraca koji ratuju u Siriji, Iraku i drugim islamskim državama sa 125 ratnika na milion stanovnika. Slijedi BiH, čijih se 85 državljana, na milion stanovnika, bori u redovima radikalnih islamista.

Iz Tužilaštva BiH potvrđeno je da je ovo hapšenje sprovedeno po nalogu tužioca iz Odsjeka za terorizam Posebnog odjeljenja za organizovani kriminal, privredni kriminal i korupciju.

"Tužilaštvo BiH nastavlja intenzivne aktivnosti u borbi protiv terorizma i kaznenih djela koja imaju veze sa terorizmom, a zbog povećanog broja predmeta, Tužilaštvo je od institucija vlasti u BiH tražilo jačanje kapaciteta za borbu protiv terorizma", napominju iz te institucije.

Kršo je priveden u prostorije SIPA radi kriminalističke obrade, nakon koje će biti donesene dalje odluke u vezi s njim.